



15. december 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit angajoqqaanut peruluttumik qitornalinnut ikorfartuisarneq aamma ikiuuttarneq pillugit:

- 1. Ilaqutariit qitornamik perulunnera pissutigalugu katsorsarneqarnerani piffissami sivisuumi Danmarkimiittariaqartartunut pisortat ikiuunnissaminnut sunik periarfissaqarpat?**
- 2. Apeqqummi 1-mi allaaserineqartutut pisoqartillugu kalaallit imaluunniit dansit akisussaaffigaat ilaqutariit pisortatigoortumik ikiussallugit?**
- 3. Namminersorlutik Oqartussat qanoq iliortarpat ilaqutariit ataasiakkaat qitornamik perulunnera pissutigalugu Danmarkimut allatut ajornartumik nuukkallartariaqartartut paasitinniarlugit aamma siunnersorniarlugit?**
- 4. Naalakkersuisut isumaqarpat maannakkut inatsisit atuuttut naapertuuttut imaluunniit allannguisoqarnissaa pilersaarutaava?**
- 5. Tassunga tunngassuteqartunik allanik soqutiginaateqarsinnaasunik Naalakkersuisut paasissutissiisnaappat?**

(Inatsisartunut ilaasortaq Justus Hansen, Demokraatit)

Tunngavilersuut:

Ajornerpaat ilaat ilaqutariinnik eqquisinnaasoq tassaavoq ilaqtanik peruluttoqalernera. Sualummik meeqqat pineqartillugit.



Nunatsinni peqqinnissaqarfiup peruluttut tamaasa katsorsarsinnaanngilai. Taamaattumik peruluttut ilaat Danmarkimut katsorsartikkiartortariaqartarput. Ilaat allatut ajornartumik sivisuumik Danmarkimiittariaqartarput qitornartik napparsimasoq ilagalugu.

Taamatut pisoqartillugu atorfissaqartinneqarneq ajorpoq kalaallit nunaanni Danmarkimilu inatsit assigiinngissutaannik aporfeqalernissaq. Allatut nukiit tamarluinnaasa qitornamut napparsimasumut atortariaqartarmata.

Taamaattumik soqutigaara paasissallugit pisortat ikiorsiisarneranni malittarisassat aamma ikorfartorneqarnissamut periarfissat taamatut pisoqartillugu aamma kissaatigaara tusassallugu Naalakkersuisut isumaqarnersut najoqqutassat naapertuuttutut isigineraat aamma qanoq iliortoqarsinnaanersoq pitsanngorsaaniarluni.

Apeqqutit akeqqakka ullut suliffiit nalignnaasut qulit iluanni.